

DIE X. FEBRUARII.

IN FESTO
S. SCHOLASTICÆ
VIRGINIS.
DUPLEX.

ORATIO.

DEus, qui animam
Beatæ Virginis tuæ
Scholasticæ, ad ostendē-
dam innocentiae viam,
in Columbæ specie Cæ-
lum penetrare fecisti; da
nobis ejus meritis, & pre-
cibus ita innocenter vi-
vere, ut ad æterna me-
reamur gaudia perveni-
re. Per Dominum.

IN I. NOCTURN.

*Lectiones de Scriptura
occurrente; in Quadrage-
sima verò: De Virgini-
bus.*

IN II. NOCT.

*Ex Libro secundo Dia-
logorum Sancti Gregorii Pa-
pæ. Cap. 33.*

Lectio iv.

Scholastica Venerabilis
Patris Benedicti So-
ror, omnipotenti Domi-
no ab ipso infantiae tem-
pore dedicata, ad eum se-
mel per annum venire
consueverat; ad quam
Vir Dei non longè extra
januam in possessione
Monasterii descendebat.
Quâdam verò die venit
ex more, atque ad eam
cum Discipulis venerabi-
lis ejus descendit Frater,
qui totum diem in Dei
laudibus, sacrisque collo-
quiis ducentes, incum-
bentibus jam noctis tene-
bris, simul acceperunt ci-
bum. Cùmque adhuc ad
mèsam sederent, & inter
sacra colloquia tardior se
hora protraheret, eadem
sacramentalis foemina So-
ror

ror ejus eum rogavit, dicens: Quæso te, ut ista nocte me non deseras, ut usque manè de cælestis vitæ gaudiis loquamur. Cum ille respondit: Quid est, quod loqueris, Soror? Manere extra cellam nullatenus possum. Tanta vero erat Cæli serenitas, ut nulla in aere nubes appareret. Sanctimonialis autem fœmina, cum verba Fratris negantis audivisset, insertas digitis manus super mensem posuit, & caput in manibus omnipotentem Dominum rogatura declinavit. Cumque levaret de mensa caput, tanta coruscationis, & tonitruus virtus, tantaque inundatio pluviae erupit, ut neque venerabilis Benedictus, neque Fratres, qui cum eo aderant, extra loci limen, quo considerant, pedem movere potuerint.

R. Propter veritatem, & mansuetudinem, & justitiam: * Et deducet te mirabiliter dextera tua.

V. Specie tuâ, & pulchritudine tua intende,

prosperè procede, & regna. Et deducet te.

Lectio v.

Sanctimonialis quippè fœminâ caput in manibus declinans, lachrymarum fluvium in mentem fuderat, per quas serenitatem aeris ad pluviam traxit. Nec paulò tardius post orationem inundatio illa secuta est, sed tanta fuit convenientia orationis, & inundationis, ut de mensa caput jam cū tonitruo levaret; quatenus unum, idemque esset momentum, & levare caput, & pluviam deponere. Tunc Vir Dei inter coruscos, & tonitruos, atque ingentis pluviae inundationem, videns se ad Monasterium non posse remeare, coepit conqueri contristatus dicens: Parcat tibi omnipotens Deus, Soror; quid est, quod fecisti? Cui illa respondit: Ecce rogavit te, & audire me noluisti; rogavit Deum meum, & audivit me; modo ergo, si potes, egredere

dere, & me dimissa, ad
Monasteriū recede. Ipse
autem exire extra tectū
non valens, qui remane-
re sponte noluit in loco,
mansit invitus. Sicque
factum est, ut totam no-
ctem pervigilem duce-
rent, atque per sacra spi-
ritualis vitæ colloquia,
se se vicaria relatione sa-
tiant.

R. Dilexisti justitiam,
& odisti iniquitatem: *
Propterea unxit te Deus,
Deus tuus oleo lætitiæ.

✠. Propter veritatem,
& mansuetudinem, &
justitiam. Propterea.

Lectio vi.

Cumque die altero
eadem venerabilis
fœmina ad cellam pro-
priam recessisset, Vir Dei
ad Monasterium rediit.
Cum, ecce, post triduum
in cella consistens, eleva-
tis in aera oculis, vidit
ejusdem Sororis suæ Ani-
mam de corpore egres-
sam, in Columbæ specie
Cæli secreta penetrare.
Qui, tantæ ejus gloriæ
congaudens, omnipoten-

ti Deo in hymnis, & lau-
dibus gratias reddidit,
ejusq; obitum Fratribus
denuntiavit. Quos etiam
protinus misit, ut ejus
corpus ad Monasterium
deferrent, atque in sepul-
chro, quod sibi ipsi pa-
raverat, ponerent. Quo
facto, contigit, ut quorū
mens una semper in Deo
fuerat, eorum quoque
corpora nec sepultura
separaret.

R. Afferentur Regi
virgines post eam, proxi-
mæ ejus * Afferentur ti-
bi in lætitia, & exulta-
tione.

✠. Specie tua, & pul-
chritudine tua intende,
prosperè procede, & re-
gna. Afferentur. Gloria
Patri. Afferentur.

*In tertio Nocturn. Ho-
milii in Evang. Simile erit
Regnum Cælorum de-
cem Virginibus, de Côm.
Virg.*

*Si hoc Festum celebretur
in Quadrages. Lectio ix.
erit de Homilia Feria.*

*Miss. Dilexisti, orat.
ut supra.*


URBIS ET ORBIS.

Santissimus Dominus noster BENEDICTUS XIII.
ad humillimas preces R. P. D. Julii Aresii
Congregationis Cassinensis Ordinis S. Benedicti Præ-
sidis Generalis, benignè indulgit, atque concessit, ut
die X. Februarii Officium Sanctæ Scholasticæ Virgi-
nis, & Abbatissæ, ejusdem S. Benedicti Sororis, cum
Lectiōibus ii. Noct. & Orat. propr. jam ab univer-
so Ordine Benedictino recitari solitum, in posterum
ab omnibus utriusque sexus Christi fidelibus, qui
ad horas Canonica tenentur, sub ritu dup. recitari,
& Missa respectivò celebrari debeat, & ita in Bre-
viario, & Missali Romano apponi mandavit. Die I.
Februarii 1719.


N. Card. Cossia.

Loco ✕ Sigilli.

N. M. Tedeschi Archiep. Apamien.
Sacr. Rit. Congreg. Secret.









UNIVERSIDAD DE SEVILLA



600711754

- 1º) i 25037250
- 2º) i 25037778
- 3º) i 25037390
- 4º) i 25037651
- 5º) i 25037468
- 6º) i 25037559
- 7º) i 25015746
- 8º) i 2501576x
- 9º) i 25015758
- 10º) i 2503750x
- 11º) i 25015771
- 12º) i 25015734
- 13º) i 25037456



+ colorchecker classic

calibrite



100mm